



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1738. usque ad annum 1740

Fleury, Claude

Augustæ Vindelicorum, 1786

VD18 90119355

§. 40. Principum atque Illustrium obitus.

[urn:nbn:de:hbz:466:1-67878](https://nbn-resolving.org/urn:nbn:de:hbz:466:1-67878)

Sæc. XVIII. A. C. 1739. rent, & aliunde ridiculum hoc effugium ad Lutheri imitationem adoptatum luculentam schismatis tesseram fore arbitrarentur, ipsi vero adhuc dum se in Catholicæ Ecclesiæ Matris suæ gremio foveri jactitent.

§. XL.

Principum atque Illustrium obitus.

Inter Præfules hoc anno denatos die vigesima quinta Januarii anno ætatis suæ sexagesimo nono in sua Abbatia vivis ereptus erat Bertholdus Mellicensis Abbas, qui ob insignem prudentiam rarasque animi dotes non modo Cæsari a secretis consiliis esse meruit, sed etiam anno hujus sæculi absente Imperatore Austriacarum ditionum Administrator nominatus fuit. Mensem pariter Februarium vitæ suæ exitialem habuit Augustus Zacco Travisanus Episcopus, & Mensem Septembrem Benedictus de Benedetti Spoletanus Antistes. Ineunte autem hoc anno factis cessit Joannes Baptista Massillon Berulliani Oratorii Presbyter Savignanus Abbas & Claromontanus Episcopus. Die vero decima septima Septembris Romæ mortalitatem exiit Ernestus Emmanuel Comes de Harrach Nitriæ in

Hun-

Sæc. XVIII.
A. C. 1739.

Hungaria Episcopus, Cæsareus apud
 Papam Administer nonnisi triginta qua-
 tuor annos natus: Pariter anno ætatis
 quadragesimo nono decessit Maria An-
 na Gabrielina de Bourbon Abbatissa
 S. Antonii de Campis. Die autem
 quarta Augusti obiit Renatus Fran-
 ciscus de Beauvau Narbonensis Archi-
 episcopus, acerrimus Constitutionis
 vindex, qui præter quadraginta Epi-
 scoporum instructionem etiam concor-
 data acceptaverat: Successorem ha-
 buit Joannem Ludovicum de Breton
 a Crillon antea Tolosanum Archiepisco-
 pum. Hunc pari fato & gloria seque-
 batur Vincentius Franciscus de Marets
 San- Macloviensis Episcopus, qui An-
 no 1724. Mense Octobri in Diæcesana
 sua Synodo interpositam appellationem
 revocavit, & Constitutionem pure ac
 simpliciter recepit. Vivere desiit die
 vigesima quarta Septembris: Eidem
 suffectus est Abbas Fougasse de la Ba-
 stie Vicarius Generalis Carnutensis.
 Denique Josephus Petrus de Castellana
 Foro - Juliensis Episcopus post accep-
 tatam Constitutionem & præfatam In-
 structionem pie in Domino obiit. Ean-
 dem quoque æternitatis viam ingressi
 sunt Mense Novembri Gabriel de Cos-
 nac Augustinianus Episcopus expleto
 octogesimo sexto ætatis anno, & Mense
 Septem-

Sæc. XVIII. Septembri Benjamin de Lisle Dugall
A. C. 1739. Lemovicensis Antistes, cui successit
 Abbas de Colasques, Vicarius Genera-
 lis Bituricensis. Præterea Fescennia
 die prima Martii vigilantissimus ibidem
 Episcopus Joannes Franciscus Tende-
 rini pie in Domino obdormivit.

Ex Principibus Laicis Mense Ja-
 nuario hujus anni e vivis excefferunt
 Augusta Ludovica Dux Saxonico Barby
 die quinta Jan. annos nata quadraginta
 & unum; Carolina Ludovica Princeps
 Anhaltino - Schaumburgensis die se-
 cunda ejusdem Mensis anno ætatis
 quinquagesimo nono: Ludovicus de
 Brancas Dux de Villars, qui relicta
 Aula apud Patres Oratorii solitariam
 duxit vitam, ibidemque die vigesima
 præfati Mensis septuaginta sex an-
 norum senex pie in Domino obiit: Fri-
 dericus Wilhelmus de la Tremouille
 Princeps de Talmont annos natus octo-
 ginta & unum eodem Mense decessit.
 Sicut & die vigesima secunda Wences-
 laus Ferdinandus Princeps de Lobko-
 witz quindecim annorum juvenis obiit.

Die quarta Februarii nonnisi tri-
 ginta quinque annos natus Romæ vitæ
 theatrum post plurima utriusque for-
 tunæ fata reliquit Muley Abdar Rah-
 mann seu vero nomine Muley Achmet
 Maroccanus Princeps, de quo jam su-
 pra

pra frequens erat mentio: Eidem qui-
dam Amicus magnificum construi cu-
ravit mausoleum, cui sequens in scul-
ptum legitur epitaphium.

Sæc. XVIII.
A.C. 1739.

D. O. M.

*Laurentio, Maurochii Principi, olim
Ismaelis Mauroccani, & Tessani Regis
Nepoti, qui æmulator Patris Abdullæ Pa-
truo erepturus regnum, dum quærit exter-
na auxilia circumventus Patruo captivus
mittitur, moxque ex custodia & imminente
cade evadens per finitimam Hispaniam ve-
nit Romam, ubi Eidem amplexus est A.D.M.
DCCXXXIII. pridie Nonas Martias,
Clemente XII. Pont. Max. cujus Nomen
Gratiam, non impares conditioni opes, post
deletum salutari unda Remetis nomen per
Clementis sororis filium, F. J. A. Gua-
dagnium, S. R. E. Card. Vicarium, su-
scipiente eum ex sacro fonte Ejusdem Cle-
mentis Fratris filio Bartholomæo Corsinio,
Pro-Rege nunc Siciliæ, quamdiu vixit,
possedit. Amicus mententissimus P. P. M.
quievit A. D. MDCCXXXIX. Ætat.
XXXV. IV. Non. Febr. ac Pontifici mu-
nificencia humatus sub sacello S. Francisci
resurrectionis diem expectat.*

Reliquerat hic Princeps Conjugem
suam natione Armenam, pariter fidei
Catholicæ addictam, & tunc gravi-
dam, quæ etiam post Mariti obitum
Romæ

Sæc. XVIII. Romæ Filium enixa est. Die autem

A. C. 1739. vigesima Martii trimulus decessit Jo-

sephus Wenceslaus Princeps de Liechtenstein, & paulopost Nicolaus de Cordona Dux Medina - Cæli necnon Franciscus de Toledo Dux de Alba ambo Hispaniæ Grandes. Sexagenarius vero die vigesima nona Aprilis naturæ concessit Anna Maria Josephus de Lotharingia Dux Guisus, & die duodecima ejusdem Mensis Franciscus Bernardus Potier Dux de Gevres Par Franciæ. Die vero tertia Maij expleto anno ætatis septuagesimo tertio fatis functa est Maria Anna Borbonia Contii Principis Vidua, quæ in pietatis exercitiis senescens, vivum virtutum exemplar evasit, sui que nominis famam immortalem reddidit. Eodem quoque Mense septuagenario Major Neapoli mortuus est Princeps de Casano ab Arragonia.

Die autem decima octava Junii Carolus Fridericus Holsato - Gottorpianus Dux celeberrimus sui ævi Heros post elusas frequentes Martis insidias in mortis casses incidit, nonnisi quadraginta annos natus: Præcesserat hujus Principis obitum mors Sophiæ Christianæ Ludovicæ hæreditariæ Principis de Tour & Taxis Georgii Friderici Baruthani Marchionis Filiæ, quæ anno hujus sæculi trigesimo primo die un-

decima Aprilis Alexandro Ferdinando ^{Sæc. XVIII.}
 nupta agnito errore, Lutheri sectam A. C. 1739.
 ejuravit, diuturno autem morbo con-
 sumpta anno ætatis suæ vigesimo nono
 die decima tertia ejusdem Mensis Bru-
 xellis obiit; Mensis vero Augusti diem
 decimam sextam vitæ suæ postremam
 habuit Catharina Bertha de Boufflers
 Ducissa de Popoli nonnisi triginta sex
 annos nata & Dominicus de Guzmann
 Medinæ Sidonæ Dux: Pariter Pala-
 tino Birckenfeldensis Domus luxerat
 mortem Friderici Bernardi, qui qua-
 dragesimo secundo ætatis anno die
 quinta Augusti viam æternitatis ingres-
 sus est, quam ejusdem Mensis die vi-
 gesima octava etiam triverat Christia-
 nus Nassovio - Dillenburghensis Prin-
 cept expleto quinquagesimo primo vitæ
 suæ anno. Die vero duodecima Se-
 ptembris septuagesimo secundo ætatis
 anno decessit Jägerburgi Ernestus Lu-
 dovicus Hasso - Darmstadianus Land-
 gravius pertinax suæ sectæ cultor; &
 die trigesima Amalia Ludovica Nassovio -
 Siegensis Princeps, necnon deci-
 ma nona Anna Maria Princeps Soubi-
 sia septendecin annos nata, ac demum
 die quinta Septembris Francisca Prin-
 cept Mansfeldia obierunt. Mense au-
 tem Octobri mortalitatem exuerunt
 Parisiis Francisca Carolina d'Aubigne
 Du-

Sæc. XVIII. Ducissa de Noailles quinquagenaria,
A.C. 1739. & tricenaria Catharina Colon Bervici
 Ducis Vidua Madriti, ac die decima
 septima Novembris sexaginta novem
 annos nata Maria Amalia Saxo-Ci-
 tiensis Ducissa. Insuper nocte, quæ
 diem octavam & novam Novembris
 interfecat, sexagenarius mortuus est
 Bruxellis Anselmus Franciscus Princeps
 de Tour & Taxis, vere Pater paupe-
 rum & Religiosorum, quapropter hi
 ob insignia pene hæreditariæ clemen-
 tiæ beneficia vivam grati animi sui me-
 moriam assiduis precum suffragiis ad
 hanc usque diem contestantur. Deni-
 que Mense Decembri Pragæ Maria Joan-
 na Princeps de Lobkowitz quinquage-
 naria, & Bruxellis anno vitæ suæ tri-
 gesimo quinto Elisabetha Alexandrina
 Princeps de Ligne fatis cesserunt.

§. XLI.

*Scriptorum Religione Catholicorum
 decessus & opera.*

Hoc item anno ex Catholicis Scripto-
 ribus non pauci ob doctissimas suas
 lucubrationes de Ecclesia & Republica
 Literaria optime meriti vivis erepti
 fuerant: Hos inter jure primus recen-
 setur Edmundus Martene celeberrim-
 um Benedictino-Maurianæ Congre-
 gationis